

LA POESIA DEL NATALE

Natal: che poesia!
Belé, regaj, sbarlusc con fantasia
E, infin, on bel pacet in compagnia...
Sì, anca quest, ma la vera poesia
L'è de restà li incantàa
Davanti a quel ch'è capità!

El Creator del ciel e de la tera
El s'è innamorà de la sua creatura
E per minga fam stremì, per no fam paura
L'è no 'gnu gio con tuta la sua Maestà
Ma 'l s'è 'ndà a catà foeura 'na Mama, la pussé bela
'Na Tosa semplice, umil, senza pecà.
E per noeuu mes l'è cressu come tuti i fioeu
Tacà 'l so coeur, per nass a so temp
In d'ona stala su paja e fen
E a scaldal on asin e on boeu!

I prim che l'han vedu
Insci piscinin, 'pena nassu
Dopo la sua Mama e 'l San Giusepp
In sta i pastor, 'sti poerett
Fioeu de campagna, con poc e nient.

Anca num, vedi, sem pora gent:
Con tuta la nostra boria
Riessom no a nascond la nostra storia
'Na miseria de pecà e de malan
Che domà 'l Signor po perdonam.

Oh! Sì, Natal l'è propi 'na poesia
On poema, 'na canzon d'amor
Del noster Signor, del nost Creator
Con num sua creatura
Con num poerett che senza de Lu
Sariom bel'e finì, sariom perdu.
Grazie, grazie o bon Gesù!



BUON NATALE !

Un Natale com-mosso (mosso dentro, mosso insieme!)

da Don Arnaldo